


*HERMANNI CONRINGII*  
**ASSERTIO JURIS**  
**MOGUNTINI IN CORO-**  
**NANDIS REGIBUS ROMA-**  
**NORUM.**

*EDITIO TERTIA AVCTOR*  
*ET EMENDATIO.*



---

RECVS. CLIOCCXXIII.

B. L. S.

**S**istit se hic opus tam Autore, tam materia commenda-  
tissimum nimirum Conringiana scripta selectiora, quæ  
tantum usum & in studio Historico, & in studio Polli-  
tico exhibuerunt, collecta. Autoris nomen & famam in  
orbe literato immortalem, nemo erit, quis ignoret. De ipso-  
rum vero scriptorum utilitate quare saltem B. L. Academia-  
rum universarum cathedras, prolixioribus illa panegyricis  
istud Tibi persuadebunt. Itaque nihil amplius mearum partium  
esse arbitror, quam ut causam, qua commoveor ad opus hocce  
fusiendum, enarrem. Ruinosa antiquitate jam fere sepulta  
illa lugeo, & plurimorum desiderium illa possidenti nosco.  
Itaque procurare illa summopere omnibus, quibus potui, vi-  
ribus allaboravi, ut prelo subjici denuo possint. Initium a  
presenti factum est, reliqua brevi tempore sequentur, & quidem  
singula, quia in Decadibus aut uno volumine collecta vario-  
rem emtorem invenirent. Quantum in me est, curabo, ne spes  
& expectatio hujus operis sp̄balmatibus multis, communi ne-  
gligentia Typographice effectu, frustretur. Favorem hinc  
collectioni jam diu eundem, quo semper orbis literatus  
Conringii doctos partus prosequitur, observan-  
ter, decenter expeto

Restaurator hujus operis.

# JUS CORONANDI MOGUNTINUM.

**I**lluſtris eſt controverſia, quæ hodie inter duos Eminentiffimos & ſummos Imperii Principes, Electores & Archiepiſcopos, Moguntinum ac Colonienſem, agitur, de jure coronandi Regem, quem appellant Romanorum. Moguntinus enim concedit quidem illam coronandi facultatem Colonienſi, ſi coronatio Aquigrani aut intra Colonienſem diœceſin inſtituatur, alibi tamen ſibi ſoli eam vendicat. Ex adverſo Colonienſis omne hoc jus Moguntino denegat, tanquam ſibi uni omni loco & tempore debitum. Poſſit videri contentio de re levi: & vero non eſt in ea ſalus reipublicæ collocata; attamen intereſt ipſius quoque reipubl. ut ſua cuique dignitas, ſuum jus ſervetur, præſertim maximis Principibus; quod noceant ejusmodi injuriæ ſaltim exemplo, & iniquum ferendo muniant quaſi viam licentiæ. Principum ſane, Archiepiſcoporum cumprimis, in officio eſt, Sedis quemque ſuæ jura defendere; præſertim quum illa neutiquam ſint propriæ poſſeſſionis, quæ pro arbitrio liceat alienare vel negligere. Rogatus ſententiam non dubito cauſam Eminentiffimi Electoris Moguntini approbare: etſi & leſta & cum cura à me ſint expenſa, quæ ab adverſa parte hætenus ſunt edita; Idque inductus rationibus validis quam multis. Quas proinde boni publici cauſa procul odio & amore, in patrocinium recti & æqui, producam in medium, ſermone nudo & ſimplici, ut eo promptius pateat quoque aliis veritatis inquiſitio.

Antequam vero ad rem ipsam aggrediamur, majoris lucis ergo præmitteremus nonnulla; quoniam & circa illa impingitur non vulgo tantum, sed etiam ab iis, qui Eminentiſſi. Electorem Colonienſem defendere ſuſceperunt: & tamen ſunt ipſiſſima veri in hoc negotio fundamenta.

- I. *Principio* igitur obſervandum eſt, Cæſares noſtros non una corona inſigniri ſolere. Cis Alpes enim in Italia duplex ipſis competit: Romana altera, altera Longobardica. Trans Alpes plerumque non niſi una hæſtenus fecerunt ſeſe coronari. Interdum tamen & Arelati alteram imponi ſibi curaverunt. Conradus ſane II. Burgundicam illam coronam accepit anno 1033, & filium ſuum, qui Patri poſt ſucceſſit, Henricum III. anno 1038 eodem diademate ornari curavit: quod teſtatur Wippo in *viſa Conradi*. Fecit idem Fridericus I. qui ducta in matrimonium Beatrice Reinoldi Burgundiæ Comitis filia, non ſolum Burgundiam ſed & Provinciam, Imperio jamdiu alienatas, familiariter poſſidere cepit: ceu loquitur Otto Friſingeniſis l. 2. c. 29. *de geſtis Frid.* Imo fecit illud Carolus IV. ut quidem memorat Chriſtophorus Marcellus *Cæremonial. Romani* l. 1. ſect. 5. *cap. de tripliçi Imperatoris corona*. Haſ inter coronas tamen ſola Romana vere Cæſarea eſt, h. e. vere competit Cæſari in quantum eſt Imperator Romanorum. Idque ſolent ipſimet Cæſares noſtri publice profiteri, electos Cæſares ſeſe appellantes quamdiu corona iſta non ſunt inſigniti, etſi in Germania coronati jam fuerint. Vt merito mireris, vulgo paſſim, imo à viris quoque doctis, Cæſaræ coronæ nomine uſurpari illam quæ in Germania confertur, contra publicam Cæſarum & ſpontaneam profeſſionem, ne alia nunc tangam. Illa vero quam Germania exhibet corona, olim quidem, pene uſque ad ſeculum Chriſtianum duodeci-

decimum, audivit corona Regni Francorum: inde frequentius dici cepit corona Regni Teutonici: (quomodo eam ipse Frider. I. appellat in epistola ad Ottonem Frisingensem) aut Alemannici; posteaquam scilicet Galliae regnum sibi retinuit Francorum nomen, Germania Imperii Romani titulum, post obtentam Cæsaream dignitatem, subeunte. Plurimis id possit confirmari testimoniis veteris ævi, si opus sit. Imperium Francorum videlicet, quod Caroli Magni cum primis felicibus armis in vastam amplitudinem excreverat, quamvis post Ludovicum Pium inter hujus filios tres in partes fuerit divisum, singulæ tamen partes aliquamdiu Francorum commune nomen retinuerunt. Præcipue vero ita diu audiit, præter Gallicum, Regnum Germanicum, quod Ludovico Ludovici Pij filio ejusque posteris cessit: cum pars quæ Lothario obtigerat, Regnum Lothariense seorsim usurparetur. Et vero populi Germanici Franci Orientales sunt dicti, ut Gallici Franci Occidentales. Vnde jam olim scripsit Frisingensis l. 6. c. xi, Franciam Orientalem comprehendere, præter Franciam proprie sic dictam, Bavariam, Sveviam, Saxoniam, Thuringiam, Frisiam. Imo & ipsum Lotharingiæ regnum in Francorum regni commune nomen receptum est, posteaquam in unam rempublicam cum Germanicis illis provinciis coit; & Reges Germanicos accepit dominos. Hinc sane Ottoni Magno, etiam tum cum Aquis coronaretur in Regno Lothariensi, porrecto gladio accinxit Moguntinus: *Accipe hunc gladium, quo ejicias omnes Christi adversarios, barbaros, & malos Christianos, auctoritate divina tibi tradita omni potestate totius Imperii Francorum.* Et vero etsi Otto I. interdum in nonnullis tabulis, in regno Lotharingiæ editis, sese dixerit *Regem Lotharicum & Francigenum*

*num*, raro tamen id fecit, & post illum forte nemo Lotharientium Rex audiit.

Quinimo ipsamet illa corona, qua hodieque coronantur Reges Romanorum, est illa, qua coronati fuere Reges Germaniæ, nondum Cæsarea dignitate cum Germaniæ regno conjuncta. Nec enim alibi quam in Germaniæ Transrhenana, quisquam Regum a Ludovico Germanico usque ad Ottonem Magnum, qui primus maluit consecrari Aquisgrani, est coronatus; ceu infra probabitur. Illi vero per manus, successori quisque suo, coronam cum aliis Regni insignibus tradiderunt. Certe Conradus I coronam cum aliis insignibus regiis, quibus ipse erat insignitus, ad Henricum Aucupem transtulit, ut patet ex Witekindo l. 1. Eckardo monacho Sangallensi *de casibus monasterii sui cap. 5.* Luitprando Ticinensi l. 2. *cap. 7.* Iisdem post inauguratum fuisse Ottonem Magnum Aquisgrani; ut & hujus successores, per sane est verisimile; cum abunde ex monumentis antiquis sit manifestum, quam superstitiose ad posteros illa fuerint translata; nec usquam fiat in iis mentio noviter paratorum insignium. Hoc fuit in antecessum primo loco monendum.

II. *Secundo* etiam id observandum est: solemnia coronationis variis actibus exerceri, inque his recepto more, unionem & benedictionem maxime, sacerdotalis muneris esse.

Impositio scil. coronæ, etsi inter gentes Christianas plerumque à Præsulibus facta sit, interdum tamen etiam ab aliis est peracta, & quidem ab ipsis etiam illis qui coronabantur. Sic Rigordus Philippi II. Galliæ Regis medicus testatur, anno 1181 Philippum illum *imposuisse sibi secundo die dema*. Clarissime omnium id liquet ex iis quæ narrat Theganus

ganus c. 6. de coronatione Ludovici Pij quam instituit Carolus Magnus pater. Verba ejus infra adducemus contra illum ultimum partium Colonienſium deſenſorem.

Solet quidem hodie ſemper ſacrum quoque ſolemne peragi in coronatione Regia: verum illud videtur etiam apud nos ſerius cœpiſſe, ſeculo demum tertiodecimo. Et vero habemus ſic ſatis accurate deſcriptas ceremonias coronationis Aquilgranenſis, cum Ottonis Magni apud Witekindum l. 2. tum Wilhelmi Hollandi apud l. Bekam *Cronico Episcoporum Ultrajeſſinorum, in Ottone Episcopo XXXVI*: nulla tamen facta ſacrificii, ut partis ſolemnium, mentione. De Rudolphi l. autem inauguratione agens Ioan. Aventinus l. 7. Annal. ita ſcribit: *Rudolphus accerſitus Aquilgraneas in ſemplum deducitur. Pontifex Agrippinenſis de eo Deum conſulit. Id publicum deinde ac perpetuum ſacerdotium honoris gratia Agrippinenſibus Episcopis fuit.* Obſcuriora quidem ſunt illa Aventini: niſi ſallor tamen, loquitur ille de Miſſæ ſolemnibus, quæ hoc initio cœperint coronationis actibus adjungi.

Etiam unctio, fateor, diu fuit inter Chriſtianos populos ignorata in Regum inauguratione, alicubi nunquam recepta, alibi uſurpari deſita: in Francorum tamen regno obtinuit fere ab anno Chriſtiano 740: quando Pipinus in hunc modum eſt conſecratus. Quam in Hiſpania cœpiſſe inter Weſtgothos (eſſi aliquot jam ſeculis deſierit) Reccaredo Rege, circa annum 586, per facit veriſimile V. Cl. Ioan. Iacob. Chiſſetius l. *de Ampulla Rhenenſi* c. 16.

Tertio id quoque notandum venit: ex quo unctioes III. & benedictiones ſacræ apud Chriſtianos populos cœperunt coronationibus Regum addi, illud officium conſecrandi, apud omnes gentes, quaſi communi conſenſu primario Præſuli eſſe commiſſum, niſi alicubi ſingulari aliquo privi-

privilegio interdum alii quoque id cesserit. Facile patebit illius pronunciati veritas, si oculos circumferas per omnem orbem Europæum. Et vero in hoc ipso ita nunc appellato Romano Imperio, Italici Regni non nisi Archiepiscopus Mediolanensis, Imperii Romani proprie sic dicti coronationem sacram ipse Papa solet peragere. De primatu Præfulum Galliæ est quidem acris contentio: attamen certum est, inter omnes Archiepiscopos unum Rhemensem, cui reges ungendi jus est, & Ducem & Parem esse Franciæ; adeoque hætenus omnibus aliis Præsulibus emnere. Anselmus Cantuariensis jam circa annum 1103 in hæc verba scripsit ad Ernolfum Priorem: *Conqueretur Rex cum omnibus Episcopis & Principibus suis, quia (cum illum coronare nolo) aufero ei corona sua honorem, quem ei Primas Regni sui debet per consuetudinem.*

Vsq̃ue adeo profecto id passim est usitatum, ut quidam rerum nostrarum non satis gnari, propter consecrationes Regias, quas frequentissime Coloniensis peregit, huic primum locum tribuerint. *Super omnes magnates* (scribit Matthæus Paris in chronico rer. Anglicar. ad annum 1257. pag. 633. edit. Parisiensis) *supereminens est Archiepiscopus Coloniensis, qui coronare tenetur Regem Alemannia apud Aquisgranum, ab antiqua & approbata consuetudine.*

Merito igitur dixeris, jure communi gentium Christianarum primario Præsuli hanc dignitatem competere. Unde necessario sequitur: quicquid ab hoc communi jure atque more abit, id fieri non nisi vicujusdam privilegii. Nec vero sine causa ita in omni orbe Christiano Europæo invaluit. Iure enim utique id quod in republica & reipublicæ negotiis sacri est officii maximum, convenit illi qui inter sacros procures est potissimus. Inæqualia enim inæqualibus



libus deberi, illius juris est quod nobiscum nascitur omnium-que mentibus natura inscribitur. Tum demum vero illud in hoc negotio rite observatur, quando sacer honor maximus attribuitur illi, qui inter sacros reipubl. Principes maximus est.

Hic in hunc modum præmissis, ut ad rem ipsam veniamus, non dubitamus in universum asserere: *Eminentissimo Electori Moguntino merito competere ratione sui Primatus omne omnino sacrum illud coronandi jus: ex antiquissima obtingentorum annorum amplius ac perpetua consuetudine, illud jus ipsi hodieque esse integrum extra diæcesin Coloniensem: Colonienfis autem Sedi non nisi ex singulari privilegio jus hoc convenire, idque duntaxat intra suam diæcesin.* Probabimus autem hanc assertionem nostram per partes.

## I.

AC PRIMVM quidem, *ratione scil. Primatus competere Moguntino omne jus coronandi*, non amplius est difficile ostensu. Etenim jam tum demonstravimus: jure gentium Christianarum communi, & cui pro fundamento est, ut modo vidimus, ipsum naturæ jus, in universo orbe Europæo, ad illum, qui inter Præsules primum in regno quovis locum obtinet, jus coronandi spectare. Demonstravimus jam tum itidem: agi nunc non nisi de coronæ Regni Germanici, aut (ut cum majoribus loquamur) Regni Francorum, collatione. Jam vero in Regno hoc Francorum Germanico, inter Præsules ac Principes Primatum etiamnum obtinere Moguntinam Sedem, nisi fallor, omnino dubio caret. Habuit vero illa Sedes hanc dignitatem ab initio usque Regni hujus. Statim enim, facta illa vasti Francorum Imperij anno 842 tres in partes divisione, Moguntinus Archiepiscopus concessit in ditionem Regni

B

Fran-

Francorum orientalis : Colonienſis autem ac Trevirenſis anno demum 870 illi Regno acceſſerunt, cum ante fuiſſent partes Regni Lotharienſis : ceu alibi probatur. Neuter vero eorum etiam poſt dubium fecit Moguntino locum primum. Hinc jam Ottonis Magni ævo Moguntinus audiit ſummus Pontifex, Pontifex maximus; comparatione nimium facta cum reliquis Regni hujus Præſulibus. Satis frequenter hæ appellaciones occurrunt apud Witekindum, qui res Ottonis Magni calamo tradidit ſcriptor *ούγγεν*. Sequenti ſeculo decimo Marianus Scotus l. 3. *atq.* 6. ſcribere non dubitavit : *Post Papam ſecundus habetur Moguntinus Archiepiſcopus uſque in hodiernum diem.* Iſte itaque in Regno Germanico Primatus Moguntini Archiepiſcopi, cum itidem careat dubio, jam ſole meridiano clarius manifeſta eſt utique veritas pronunciati mei.

Et vero hoc juſ ex Primatu iſto competere Moguntino, jam tum olim proſecto non fuit ignoratum. Hinc Witekindus l. 1. de Henrico I verba faciens notanter ſcripſit : *Cumque ei offerretur unctio cum diademate a ſummo Pontifice, qui eo tempore Herigerus erat, &c.* Benedictus VII Papa in literis quibus Willigiſo Archiepiſcopo pallium conculit, addidit hæc verba : *Quocirca uti eo (pallio ſcil.) memineris, ſicut prædeceſſores noſtri tuis prædeceſſoribus conceſſerunt ; ſervanda duntaxat privilegiorum tuorum integritate, quo in tota Germania & Gallia, poſt ſummi culmen Pontificis, in omnibus Eccleſiaſtiſcis negotiis, id eſt, in Rege conſecrando & Synodo habenda, cæteris omnibus ſanctis Archiepiſcopis quam Episcopis, Apoſtolica auctoritate, ſicut juſtum & rectum eſſe videtur, præminas.* Moguntinus ipſe hoc Primatus jure fretus, ægre quondam permiſit, a Colonienſe conſecrationem regiam inſtitui, etiam intra ejus dioceſin Aquisgrani. Diſerte Lambertus Alſchaf-

Ashafnaburgensis presbyter, scriptor, prout illis temporibus, prudens, peritus & disertus, ac præter hoc candidus, (per injuriam enim Colonienfis Defensor fidem ejus vocat in dubium) ad annum 1044: *Imperatoris filius Henricus consecratus est in Regem Aquisgrani ab Herimanno Colonienſe Archiepiscopo: vix & agre super hoc impetrato consensu Luitpoldi Archiepiscopi, ad quem, propter Primatum Moguntina Sedis, consecratio Regis & cætera negotiorum Regni dispositio potissimum pertinebat.* Sed de priore satis.

## II.

Pergimus ad SECUNDUM; nempe nunquam interrupta, atque adeo perpetua, ostingentorum annorum consuetudine, jus coronandi per universum Regnum hoc, una excepta Colonienſi diœcesi, Moguntina Sedi hæcenus mansisse integrum. Facillimum vero hoc quoque est demonstratu: quippe quum & Defensores Colonienſes Regum neminem ex omni ævo potuerint producere, (debuissent autem producere, quum idem, quod hic nos, urſiſſet Eminentiſſi Elector Moguntinus) qui fuerit coronatus a Colonienſi extra ejus diœcesin: & quisque possit, evoluta Regum Germanicorum historia, veritatem pronuntiati nostri sine labore assequi. Reges cum desint, ad scæminas confugientes, unam jactitant illi Defensores coronationem Elisabethæ, conjugis Alberti I. Austriaci: hanc enim coronatam esse a Colonienſi Norimbergæ astante Moguntino. Neque nos negamus id factum esse. Sed factum est singulari Moguntini consensu: prout non adeo pridem Eleonoram Ferdinandi II uxorem Trevirensis coronavit, sed rogatus a Moguntino, & hujus nomine, quia ipse Moguntinus sacris infusilis non esset initiatus.

Fuerunt autem sic satis multi Germaniæ Regum extra Colonienſem diœceſin coronati. Germaniæ Regum inquam: nec enim de Cæſarea corona eſt quod nunc agamus, aut ſimul ſolliciti cum Deſenſoribus Colonienſibus *pag. 46*: cis an trans Alpes poſt Lotharium Ludovicus II, Carolus Calvus, Carolus Cræſſus, & Arnolphus, Cæſarea corona ſint inſigniti: Nemo vero Regum ante Ottonem Magnum Aquilgrani, aut alibi cis Rhenum, legitur coronatus. Ex adverſo, eſſi monumenta vetera omnes coronationum illarum actus non ea, qua par erat diligentia, memoraverint, attamen conſtat Arnolphum Francofurti coronatum Regem anno 887 menſe Novembri. Ejus filius Ludovicus videtur coronatus Forcheimii. Ita enim ad annum 900 notat Regino: *Proceres & Optimaſes, qui ſub diſtione Arnolphi fuerant, ad Forcheim in unum congregati, Ludovicum filium prædicti Principis Regem ſuper ſe creant, & coronatum Regiſque ornamentis indutum inſaſtigio Regni ſublimant.* Aquilgrani certe a Colonienſe non potuit coronari, quod Regno Lotharienſi tum præeſſet Zuenteboldus, atque adeo Colonienſis haud numeraretur tum inter proceres Regni illius Francorum, quod ceſſerat Ludovico. Hinc ipſe Regino ſtatim ſubjungit: *Dum hæc in Germania aguntur, &c.*

Qui huic ſucceſſit Conradus I, fuit quidem *unſtus in Regem*, ut loquitur Witekindus *l. 1*, Aquilgrani tamen itidem coronari non potuit; quod ſimulac obiit Ludovicus, Regnum omne Lotharienſe occupaverit Carolus Simplex Gallus jam anno 912: ut recte colligit Sirmondus.

Hujus ſucceſſori Henrico I Saxoni, renuenti tamen, Moguntinus Herigerus, non Colonienſis (qui id nec potuit: tum adhuc, imo & aliquamdiu poſt, donec inter Carolum & Henricum noſtrum pacto omnia conſtituerentur,

ccu

ceu liquet ex Capitulis a Sirmondo editis pag. 442, hærens in dirione Caroli Simplicis) anno 919. diadema atque unctionem obtulit. Diserte Witikindus l. 1: *Cum ei offerretur unctio cum diademate a summo Pontifice, qui eo tempore Herigerus erat, non spreuit, nec tamen suscepit.* Dithmarus etiam l. 1: *Episcopalis unctionem benedictionis a Herigero Archiepiscopo exhibitam, antecessorum more priorum, non desiderauit, nec suscipere voluit.*

Idem Dithmarus l. 5 de Henrico II ita scribit: *Deindeque ad Moguntiam celeriter properando Rhenum securus enavigas. Hic lix. Jdus Junii ibidem communi devotione in Regem electus, a Willigiso ejusdem Sedis Archiepiscopo, suffraganeorumque suimet auxilio, coronatus.* Defensores Colonienſes pag. 57 existimant, Henrici hanc coronationem potius causam Colonienſem iuvare: quia eam irritam pronunciavit Colonienſis Heribertus, & Henricum coegerit denuo coronam Aquigrani accipere, idque astipulante Gregorio V Papa. Verum esto, id fecerit Heribertus, & jure fecerit, (quorum neutrum concesserim:) id tamen manet, Henricum fuisse unctum coronatumque extra Colonienſem diœcesin, non a Colonienſe sed Moguntino; atque adeo hoc quoque exemplo constare, Colonienſi extra suam diœcesin nihil esse juris in coronatione.

Henrici successor proximus Conradus II itidem Moguntia coronatus est, & quidem ab Aribone Moguntino, uti refert Wippo.

Post hunc etiam Rudolphus Suevus, adversus Henricum IV electus, Moguntia consecratus est a Sigefrido Archiepiscopo in Regem, ut loquitur Marianus Scotus l. 3.

Philippus Suevus itidem coronam accepit Moguntia, sed per Episcopum Tarentalienſem, quod abesset domo Moguntinuſ.

B 3

Avo-

Avorum & nostra memoria quinque ultimi Cæsares, & denique nuperus feliciss. memoriæ Vngariæ Rex, coronati itidem sunt extra diœcesin Coloniensem, itidem tamen non a Colonienſe sed a Moguntino. Præter hos vero neminem reperias coronatum extra diœcesin illam. Ac proinde non est, quod de secundi nostri pronunciati veritate quisquam dubitet.

Observandum vero etiam atque etiam est, hæc coronationes Moguntinum celebrasse, & Romanis Pontificibus, & Cæsaribus, & omnibus Imperii Ordinibus, nemine excepto, approbantibus. Hoc sane est argumento, non exercuisse tantum illos actus Moguntinum, sed & summo jure, cui nemo potuit contradicere, exercuisse. Neque vero vel ipsi Colonienſes illas Moguntinas coronationes accusaverunt, nisi quod olim interdum desideraverint in illis, quasi justo loco non fuissent institutæ. Ex quo sane illa superstitio desit, intra hæc centum annos, Moguntinas coronationes tanquam rite factas ipsi Colonienſes probaverunt: nisi quod nuper admodum cœperint aliter opinari: ceu post apparebit clarius.

### III.

Licet itaque jam tum TERTIO etiam affirmare: *Colonienſi non competere aliquod jus coronandi nisi intra diœcesin suam.*

Hoc sane ultro sequitur ex iis quæ jam probata dedimus. Si enim Moguntinus per octingentos annos amplius, usque ad hoc tempus, omnes coronationes extra Colonienſem diœcesin institutas peregit, utique (etiamsi nulliteretur Sedis suæ Primatu) vel usucapione atque præscriptione sibi jus firmum certumque iam acquisivisset, contra Colonienſem: etsi forte huic ex constitutione Caroli Magni olim illud jus competuisset. Fuit

Fuit vero etiam ipsorummet Colonienſium Præſulum perpetuo eadem nobiſcum ſententia; niſi quod paucos eis annos illi cœperint omne omnino coronandi juſ ſibi ſolis ſimpliciter arrogare.

Ita vero illos ſemper antehac ſenſiſſe probare licet non uno argumento.

*Ac primum* quidem id palam eſt ex eo, quod nunquam 1. (antehac quidem) fuerint uſi ullo prætextu ad juſ ſuum conſtituendum, quo non ſimul involverint diœceſin Colonienſem. Antiquiſſimæ ſcil. de coronandi iſthoc jure controverſiæ illæ ſunt, quæ circa inaugurationem Ottonis Magni, & denuo circa Henrici IV coronationem fuerunt excitatæ. Utrobique autem Colonienſis non niſi ad ſuæ diœceſeos jura provocavit. De prima contentione agens Witekindus l. 2. diſerte id narrat. Verba ejus ſunt: *Es cum quaſtio eſſet Pontificum in conſecrando Rege, Trevirenſis videlicet & Colonia Agrippina: illius, quia antiquior Sedes eſſet, & ſanguis a B. Petro Apoſtolo fundatus: iſtius vero, quia ejus ad diœceſin pertineret locus: & ob id ſibi convenire arbitrati ſunt hujus conſecrationis honorem.* In eandem ſententiam diſſerit fere & Dithmarus l. 2. p. 75. Alteram contentionem narrans Lambertus prodit idem eſſe prætextum anno 1054. Integer locus hic eſt: *Imperatoris filius conſecratus eſt in Regem Aquisgrani ab Hermanno Colonienſe Archiepiſcopo, vix & agre ſuper hoc impetrato conſenſu Luitpoldi Archiepiſcopi: ad quem propter Primatum Moguntina Sedis conſecratio Regis & cætera negotiorum Regni diſpoſitio poſſimum pertinebat. Sed Imperator poſtius Hermanno Archiepiſcopo hoc privilegium vendicabat, propter claritatem generis ejus, & quia intra diœceſin ipſius conſecratio hæc celebranda conſiſſet.*

Post

Post secundam hanc contentionem magis quidem solito ad se traxere coronationis solemnia Colonienſes, iſdem tamen non alio prætextu quam illo, quod Carolus Magnus inſtituerit, ut omnis coronatio fiat Aquilgrani, atque ita conſecrationes Regum a ſe ſolis jure diœceſeos inſtitui debere. Talia enim jaſtitari & paſſim perſuaderi (non niſi per ſigmenta tamen) cœpere ſeculo duodecimo. Nec vero legere eſt quidquam aliud, præter hæc duo, ab Archiepiſcopis Colonienſibus, aut etiam aliis, unquam per annos pene octingentos, eſſe prætextum ſuo coronandi juri.

2. *Patet illa* perpetua ipſorummet Colonienſium ſententia ex eo etiam, quod nunquam vel tentaverint Colonienſes quemquam coronare extra ſuam diœceſin. Certe nemo vel conatus hujus exemplum aliquod adduxerit. Qui vero ſaltim non tentaverint tale quid Colonienſes, invitati Imperii infinitis turbis, ſi exiſtimaveſſent ſui juris eſſe, paſſim locorum coronationes inſtituere? Certe quas coronationes extra Aquilgranum inſtituerunt, vel Coloniae peregere, ut factum in coronatione uxoris Conradi II, vel Bonnae quod obſervatum in Carolo IV & Ruperto.
3. *Adhuc* etſi nonnunquam coronationes a Moguntinis peractas improbaverint Colonienſes, ſemper tamen eo tantum prætextu id fecerunt, quod illæ inſtitutæ eſſent extra locum coronationi ab Carolo Magno dedicatum. Patet hoc ex ipſa nuperrima Colonienſium Deſenſione, & infra a nobis clariſſime oſtendetur. Tales vero querelæ demum cœperunt ſeculo duodecimo. Antehac certe nullum veſtigium apparet querelæ alicujus Colonienſium Præfulum, quaſi non ad Moguntinum, ſed ad ſe ſolos jus coronandi pertineat. Imo vero omnes proceres



ceres Germaniæ antehac aliquamdiu uni Moguntino jus hoc coronandi adscripserant, ipse unus id exercuerat sic factis diu, nemine reclamante.

*Palam* denique est hæc sententia ipsorummet Coloniensium ex eo etiam, quod post jam conditam Auream bullam Carolinam curaverint, per Rupertum Cæsarem, singularibus tabulis sibi conferri privilegium ac facultatem coronandi interdum, extra Aquisgranum quidem, tamen in diocesi sua. Meminit hujus privilegii Hartmannus Maurus pene sub initium illius libri, quo solemnia coronationis Caroli V quam accuratissime persecutus est ad posteritatem. Non potuerunt profecto tale quid a Cæsare expectere, persuasi sibi jam esse fas, passim locorum coronationes instituere. Imo ne quidem temere permisissent, intra limites suæ dioceseos a Ruperto Cæsare se constringi, sed existimassent hoc ipso sibi injuriam fieri, perinde atque hodie creditur. Certe quo tempore illam Ruperti bullam acceptaverunt, multum alieni fuere ab ea, quæ hodie placet successoribus sententia.

*Quid* quod ex illa Hartmanni Mauri historia constet, saltem etiam tum, quando Carolus V fuit coronatus, creditum fuisse ipsis quoque Coloniensibus, sibi intra suam tantum diocesin jus esse quem coronare? Obtulerunt enim Carolo illud Rupertinum privilegium, ut si forte Aquisgranum nollet proficisci luis grassantis causa, saltem alibi intra diocesin Coloniensem pateretur se coronari, quoniam id liceat ex Ruperti concessione. Neque vero Mauri testimonium in dubium vocare licet, quum ille fuerit tum a consiliis Coloniensi Archiepiscopo, ac proinde omnium rerum maxime gnarus. Imo vero illa tempestate in vulgus fuit hoc decantatissimum: ceu apparet vel ex eo, quod Nicolaus

colaus Mameranus illo ipso tempore historiam electionis & coronationis Carolinæ singulari libro narrans, in hæc verba erumpat. *Vere scribit Maurus, tres Archiepiscopos Electores simul prastitisse hoc officii, (coronæ scil. impositionis.) Quamquam ad solum Coloniensem, ratione prerogativæ suæ distionis, in qua Aquisgranum est, spectare perhibeant.* Hæc ille. Quibus jungenda, quæ habet Albertus Crantzius l. 8. *Saxon. cap. 21.*

*Saltim* igitur ad illa usque tempora habemus consentientes nobis Colonienfes. Quin dixeris, etiam diu post in eadem illos mansisse sententia : utpote cum in subsequenti-  
bus coronationibus non illi Moguntino suas vices commiserint, aut diserte prodiderint sibi solis ubivis locorum jus coronandi competere, etsi haud ignorarent, Moguntinum nolle videri vicaria potestate fungi. Hi sane actus luculento solent esse indicio consensionis. Nec vero quod fecerint sibi nonnulli Præfulum Colonienfium cavere aliquomodo, id diffensionem significat, ceu infra apparebit.

Vnus hic perpetuus ipsorummet Colonienfium consensus satis est probando juri Moguntino, & decidendæ integræ controversiæ. Cessat enim lis omnis, si ipsis Colonienfibus fatentibus, extra diœcesin nihil habeant juris in consecrandis Regibus. Certe heri & nudius tertius demum nata diffensio cedere debet perpetuæ aliquot seculorum consensioni.

#### IV.

Et vero ea est ratio etiam illius juris coronandi, quo gaudet Colonienfis Sedes in sua diœcesi, ut ipsa quoque longa consuetudine potius & liberali concessione Moguntinæ Sedis nitatur, quam ullo justo titulo alio. Id quod QUARTO loco obiter a nobis jam demonstrabitur.

Nihil

Nihil videlicet est falsius duobus illis, quorum prætextu Colonienſis jus aliquod coronandi ante aliquot ſecula ſibi acquiſivit in ſua dioceſi. Eſt autem Alterum horum: quod ex Caroli Magni inſtituto coronationes Regia Aquisgrani duntaxat, poſſint rite inſtitui. Alterum: quod ejusdem Caroli lege & canonum inſtitutis, Regem Aquisgrani ſoli Colonienſi conſecrare fas ſit.

Primum ſane illud, quod jaſtitavit olim Colonienſis, Caroli Magni lege definitum eſſe, ut coronationes omnes Aquisgrani inſtituantur, ac proinde alibi non poſſe inſtitui legitimas coronationes, inanis fabula eſt.

Eſto tamen, ita conſtituiſſe Carolum: lex utique illa fuerit poſitiva. At vero non potuit Carolus poſitivam legem condere, quam in perpetuum teneatur Reſpubl. obſervare. Nulla lex poſitiva adeo certo obligat: ſed poteſt mutari ſi res exigat, ab iis, quos penes eſt reipublicæ poteſtas ſumma. Ac proinde & potuiſſet olim, & poteſt hodie, Lex quævis Carolina mutari, ſi id poſtulat ſalus publica. Ut ut igitur Carolus Magnus ita forte ſanxiſſet, non tamen propterea neceſſum eſſet non alibi coronationem inſtituere, ſi Cæſari & Ordinibus Imperii placeat ab illa lege diſcedere. Conſtitetur hoc ipſum hodie quidem Colonienſis ultro; & intra hoſce centum annos ſex ordine coronationes, extra quoque dioceſin Colonienſem, ſunt inſtitutæ. Ipſemet Carolus IV in ſua Aurea Bulla fatetur, extra Aquisgranum poſſe interdum Regem coronari: & vero ipſemet erat Bonnæ non Aquisgrani coronatus. Iam quoque ſupra probavi-  
mus, neminem eorum, qui Ottonem Magnum anteceſſerunt Germaniæ Regum, a Ludovico Germanico uſque, Aquisgrani fuiſſe coronatum: poſt item quam multos alibi coronatos, Colonienſe non reclamante, niſi quod ſeculo duodecimo cœperit vulgo perſuaderi, Aquisgrani duntaxat legitime quem coronari.

Ita scilicet sese res habet. Seculo duodecimo post natum Christum nata est fabula de Caroli Magni quadam lege circa locum justum coronationis Regiæ. Nec vero ante illa tempora reperias temere aliquod vestigium ejus, quæ post multis arrisit, absurdæ sententiæ: *quasi ad essentiam* (ut ita loquar) *coronationis pertineat, ut illa fiat Aquisgrani.*

Possit quidem forte videri, jam tum Henrico II regnante opinionem illam invaluisse; idque quoniam Heribertus Colonienfis post coronationem Moguntinam adegerit Henricum, ut pateretur sese denuo eligi & Aquisgrani coronari. Verum tamen forte haud injuria dubites de fide illius historiæ. Defensores enim quidem p. 47. laudant testem Adelboldum Trajectinum Episcopum, qui id memoraverit in descriptione vitæ Cæsaris illius Henrici: sed testatur quidem & Siebertus *l. de vir. illustr. cap. 139.* ut & Beka, talem librum ab Adelboldo conscriptum esse: an vero ille hodieque sit superstes, multum dubito. Exstat enim quidem libellus hoc nomine in Divis Bambergensibus Gretzeri; sed mutilus, cumque hac inscriptione in ipso codice Ms. repertus: *Vita Henrici Imperatoris ab Adelboldo Episcopo Trajectensi, ut creditur, conscripta.* Quo patet libellum dubii esse auctoris. Alium omnino librum ejusdem argumenti Adelboldo adscriptum vulgavit Henricus Canisius tomo VI. Antiquar. lection. Sed cum auctor ille narret, quemadmodum divorum ordini ab Eugenio III anno 1113 fit adscriptus Henricus Cæsar. Adelboldus autem objerit anno 1027, ut refert I Beka, neque hic libellus potest esse Adelboldi. Et vero Gretzerus quoque suspicatur, esse hunc Nunnosii monachi. Editor Canisius non audet affirmare Adelboldi esse, quia in ms. codice nomen nullum

nullum invenit. In Canisiano porro libello nihillegitur de repetita illa Henrici unctione Regia, quæ sit Aquisgrani instituta per Coloniensem. An in Gretzeriana editione id habeatur, nescio: quum non sit ad manum. Ut autem forte tale quid, quale Defensores narrant, ibi legas, de fide tamen narrationis merito dubites, quod ab incerto auctore fabula sit profecta. Nec vero quidquam ejusmodi habet Dithmarus, qui serie annorum observata diligenter satis Henrici omnia ipse coævus persecutus est usque ad annum 1019, atque adeo omnia XVI priorum annorum Henrici acta. Nihil tale habet historicorum ejus ævi alius. Imo plane adversa prope habet Magnum Chronicon Belgicum Pistorii de Heriberto & Henrico pag. 92. Sed & fabulosum utique est, quod habet Defensor Colonienfis pag. 57, iteratam illam coronationem peractam esse adstipulante Gregorio V Pontifice: constat enim Gregorium Vobiisse anno 999, triennio integro antequam Ottoni tertio successit Henricus Rex. Certe sola hæc fabula apta est omnem narrationem suspectam reddere.

*Ea vero Henrici II Caesaris ætate nondum fuisse persuasum prudentioribus, omnem coronationem nusquam alibi rite quam Aquisgrani institui, liquet etiam clarissime ex eo, quod Henrici proximus successor Conradus II unctus sit Moguntia, præsentibus Regni Episcopis & Principibus, a Moguntino Aribone, atque adeo ipso consentiente Colonienſe; qui Reginam consecravit, itidem vero non Aquisgrani, sed in Ecclesia Colonienſi: ut refert Wippo in vita Conradi. Quamquam porro heri potuerit, ut Aquisgrani quoq; sit coronatus Henricus ab Heriberto, nec tamen vel inde fas fuerit colligere, priorem coronationem fuisse improbatam. Sic satis frequens nimirum illa ætate fuit, præter primam maxime so-*

C 3

lenam

lemnem atque adeo sacram coronationem, repetere coronationes, idque per Episcopos. In Gallia & Angliæ Regum historiis occurrunt exempla quammulta. Imò iidem Francorum Reges sæpius fuerunt uncti, florente familia Carolina. Pipinus videlicet bis: Carolus Magnus quater: Ludovicus Pius bis: Carolus Calvus quinques: Ludovicus Lotharii filius bis. Toties & Ludovicus Balbus aliique sunt uncti. Quod testimoniiis indubitatis ex veteri ævo ostendere est in promptu, si res exigat. Verum non est hujus id loci: præsertim fabula illa, de irrita reddita prima Moguntina Henrici coronatione, jam in sibilos producta.

2. Confirmat idem coronatio Rudolphi Suevi anno 1077. Moguntia instituta, præsentibus Legatis Romanæ Sedis & multis Principibus. Et vero ipse Pontifex probavit hunc actum & agnovit Rudoiphum Regem: non facturus, nisi credidisset, extra Aquisgranum posse Reges recte institui.
3. Videtur idem confirmare & Henrici V inauguratio. Etsi enim Vrspergensis scribat, hunc anno 1099 a patre factum Regem Aquisgrani: Otto tamen Frisingensis, cui potior debetur fides, ita loquitur l. 7. Chron. c. 8. *Anno ab incarnatione Domini MCIII Imperator Henricus natalem Domini Moguntia celebrans, ibique Henrico filio suo rege post se designato, &c.* Idem Otto ejusdem libri cap. 2. de eodem Henrico V, post patrem abdicatum, sic loquitur: *Reversi ad filium Optimates Imperialia deferunt, eumque primo a patre electum, per impositionem manus Apostolica Sedis Legatorum, eorumque electione, Regem vocant.* Paulo ante vero sub capitis Illius initium narraverat, maximum conventum Principum Moguntia factum esse anno MCVI. Ut omnino sit verisimile,

risimile, etiam Henricum V Moguntiae consecratum esse, non Aquisgrani. Id quod si ita est, etiam hinc licebit pronuntiatio nostro argumentum petere.

Eodem seculo tamen duodecimo, circa tempora Friderici I, fateor, coepisse passim credi, a *Carolo Magno legem aliquam ejusmodi Aquisgranensibus faventem esse latam*, eamque constitutionem coepisse, & jam tum & ex eo tempore magno pretio aestimari. Palam hoc est ex iis, quæ l. x. canit Güntherus de Aquisgrano.

*Hoc sibi prima loco veluti cunabula Regni  
Carolus esse volens, Magno cum Francia Regi  
Vtraque serviret, primam gestare coronam  
Iussit, & in sacra Reges ibi Sede locari.  
At simul a nostro secessit Gallia Regno,  
Nos priscum Regni morem servamus; at illa  
Iure suo gaudet, nostra jam nescia legis.*

Initio seculi decimi tertii, anno nimirum 1202, Principes, qui elegerant Ottonem IV, in suis ad Innocentium Papam literis, quas recitat Baronius, scribunt inter alia de Ottonem illo: *Ad Romani Regni fastigium jussu & rationabiliter illum elegimus, & sicuti debuimus ipsius electioni consensimus, ipsumque in Augustorum Sede, a Carolo Magno apud Aquisgranum huic dignitati deputata, locavimus, & corona & diademate per manum Adolphi Coloniensis Archiepiscopi, ea qua debuit solemnitate, feliciter coronavimus.* Tales voculae iithac tempestate passim sparsæ sunt, antehac plane nunquam auditæ.

Et vero supersunt hodieque, a Goldasto *tom. II Constitution. Imperialium pag. 6.* traditæ, tabulæ Friderici II Cæsaris, confirmantes insertum aliquod diploma Friderici I: quo anno 1166, concessum a Carolo Magno de Aquisgrano privilegium, ab urbis illius incolis sibi oblatum, roboravit.

Vtræque

Vtræque illæ tabulæ videntur sic satis genuinæ esse. Vt proinde jam palam sit, post annum illius seculi sexagesimum aliquid sparsum fuisse in vulgus, de privilegio Carolino circa coronationes Regias, Aquisgrani duntaxat institutas. Et sane in illo Carolino hæc verba leguntur: *Illic vero Domino Apostolico Leone III, & omnibus prædictis nobilibus & egregiis personis congregatis, merui ab omnibus obtinere, præ nimia devotione, quam erga ipsum locum & Matrem Domini nostri Iesu Christi habebam, ut in templo eodem Sedes Regia locaretur, & locus Regalis & caput Gallia trans Alpes haberetur: ac in ipsa Sede Reges successores & hæredes Regni initiarentur, & sic initiati jure dehinc Imperatoriam Majestatem Roma sine ulla interdictione plenius exequerentur. Confirmatum & sancitum est hoc a Domino Apostolico Leone Romanorum Pontifice, & a me Carolo Romanorum Imperatore Augusto, primo auctore hujus templi & loci: quatenus ratum & inconvulsum hoc statutum & decretum nostrum maneat, & hac Sedes Regni trans Alpes habeatur, sitque caput omnium civitatum & Provinciarum Gallia.*

Hæc est illa celeberrima scil. Caroli Magni Lex, quæ a seculo duodecimo usque plurimis persuasit, coronationes legitimas non nisi Aquisgrani posse fieri. At vero omne illud privilegium esse ab Aquisgranensibus illa ipsa ætate confictum, & inepte quidem confictum, hodie sane non potest quem fugere, qui in veterum monumentis vel mediocriter est versatus. Non est hujus temporis, ineptias & affanias illas in lucem producere; at vero a Carolo Magno institutum non esse, ut consecratio aut initiatio Regum prima fiat Aquis, palam est vel ex eo, quod cum hoc privilegium existimetur traditum anno circiter 804, Carolus biennio post omne regnum suum in tres partes inter filios



filios totidem diviserit, non nisi uni illorum attributa ea parte, quæ Aquisgranum comprehendit. Quæ formula divisionis hodieque ex parte superest, edita per P. Pithoeum & Annalibus inserta a Baronio: quodque Ludovicus Pius Caroli filius statim anno 816, non Aquisgrani, sed Rhemis a Stephano Papa coronari sese fecerit, cum tamen memoria Carolinorum institutorum recentissima tum esset, & apud Pium filium observatio eorum longe religiosissima. Nec enim nunc urgebo, quod nemo plane omnium Caroli posterorum memoretur Aquisgrani consecratus, etiam illorum, quorum in ditione fuit Aquisgranum. Cui autem fiat verisimile, usque adeo neglectam fuisse sacram legem Caroli, nec tantum neglectam, sed etiam ex omni hominum notitia elapsam, idque per illa etiam recentissima tempora? Verum non est quod hisce nunc immoremur, quum ipsi Colonienfes fateantur, fas esse, non in sola Aquisgranensium urbe coronationes instituere.

Æque vanum autem est illud etiam *alterum*: nempe, II. quod *Aquisgrani possit solus Colonienfis Regem rite consecrare*. Defensores enim Colonienfes p. 41 & 42 provocant etiam ad constitutionem quandam Caroli Magni; sed minus sunt instructi aliquo testimonio quam Aquisgranenses. Nec enim hætenus, quod sciam, vel figmento natum est ejus argumenti aliquod diploma.

Ne id quidem verum est, quod testibus, Petro a Beeck, Cæsareo, & Collectore Chronici Magni docent pag. 41. *munus coronandi Ludovicum Pium a Carolo esse tributum Hildeboldo Archiepiscopo Colonienfi*. Nec enim illi autores merentur inter fidos testes rerum: ævi Carolini numerari, homines heri & nudius tertius demum, ut ita dicam, nati. Sed & genuina illius Carolinæ ætatis monumenta memo-

D

rant

rant quidem , Ludovicum illum Pium a Carolo patre coronatum anno 813; aut per Hildeboldum id factum , non memorant. Imo vero nec Hildeboldi nec alterius alicujus Episcopi manu factam illam coronationem, non passus nos est ignorare Theganus *l. de gestis Ludovici cap. 6.* Prolixè enim ille describens quæ tum egerit Carolus, inter alia hæc habet: *Tunc jussit eum Pater, ut propriis manibus coronaret, quæ erat super altare, elevaret, & capiti suo imponeret, ob recordationem omnium præceptorum, quæ mandaverat ei pater.*

Certe a Carolina aliqua lege non est profectum illud jus coronandi, quo fruitur Colonienfis in diocesi sua: nec illorum quisquam obtentu talis alicujus legis hætenus jus illud suum asseruit. Speciosus maxime & antiquissimus & unicus prætextus aliquot seculis fuit: quod consecrationes debeant fieri a diocesanis in qualibet diocesi, aliæ ab Episcopis, aliæ ab Archiepiscopo, prout consecrationes sunt aliæ atque aliæ: ac proinde consecrationem quoque Regalem, quæ intra diocesin sit Coloniensem, a Colonienfè Archiepiscopo esse instituendam.

Est vero, ceu jam ante diximus, etiam hic prætextus perlevis. Nec enim consecratio illa Regia sacrum characterem imprimit, aut vere meretur accenseri numero consecrationum aliarum: sed potius externa quædam est ceremonia ad exemplum moris Hebræorum composita, idque ævo sequiore demum, interque solas gentes Germanicas & Sarmaticas. Utque sit hæc consecratio ejusdem cum aliis ordinis, nihil prohibet tamen, quo minus illa peragrite possit ab eo, in cujus diocesi non est locus ille ubi consecratio instituenda est. Etsi enim diocesibus singulis sua sint jura prudenter constituta per canones Ecclesiasticos: notum tamen est, non eum esse rigorem canonum, ut sine  
omni

omni exceptione strictæ semper sint observandi. Circa consecrationes sæpenumero aliquid indulgeri, palam est.

Non vocabitur hoc, scio, in dubium, hodie quidem a Colonienſibus, utpote quum ipsimet velint, omnes consecrationes Regias etiam extra suam diocesin, a se instituendas esse.

Agnoverunt autem hoc jam etiam olim iidem Colonienſes : eoque passi sunt Ottones tres Aquisgrani a Moguntinis consecrari.

De Ottone I enim utique clarum illud est ex iis, quæ Witkindus narrat l. 2. Frustra enim Defensores pag. 48. & 56. conantur reliquas partes in illa consecratione etiam Wigberto Colonienſi attribuere, idque testimonio Witkindi: cum hic tantum significet ad coronæ impositionem operam Wigberti advenisse: *coronatus* (inquiens) *diademate aureo ab ipsis pontificibus Hildeberto & Wigberto*, & discrete testetur, ab Hildeberto esse dictum: *nunquam de capite tuo oleum miserationis deficiat*. Quæ verba indubie spectant ad effusionem olei in caput Ottonis, quo ritu tum constitit unctio. Æque nihil ad rem facit, quod iidem Defensores urgent, consensu Wigberti eam consecrationem esse institutam, testibus Witkindo & Dithmaro. Videatur Dithmarus lib. 2. pag. 23. Etiam ita enim patet, vel canones de consecratione non esse strictæ observantiæ, vel illos ad hunc actum non pertinere. Alterutrum enim nisi ponas, non fuit in potestate Wigberti adversus canonum præcepta consentire.

Ottonem II saltim ex parte esse consecratum a Moguntino, fatentur ipsi Defensores p. 57: debuisset autem ad illum actum plane non admitti Moguntinus, si consecratio unice esset juris diocesani. Frustra vero ex eo, quod Roge-

rius in *vita Brunonis* dicit: *Ottone[m] unxiſſe Brunonem Colonienſem, Wilhelmum Moguntinum, & Henricum Trevirenſem*: conantur illi exſculpere, in illa conſecratione primas fuiſſe partes Brunonis. Primo enim loco recensetur Bruno, quod ejus vitam auctor iſte ſcribendam ſuſcepiſſet.

Ad Ottonis III coronationem quidquam juviſſe Colonienſem, non auſi fuerunt Deſenſores pronuntiare; prætendunt tamen pag. 47, Warinum Colonienſem morbo tum fuiſſe detentum. At nullo teſtimonio nititur ille prætextus, ac proinde eſt fabuloſus. Perinde ac perperam illi credunt, quaſi Dithmarus ſcripſerit: *Willegiſum coronationi aſſiſiſſe*. Verba enim Dithmari hæc ſunt ſub finem l. 3. *Hujus (Ottonis II,) inclita proles die proximo natalis Domini ab Iohanne Archiepiſcopo Ravenſate, & a Willegiſo Moguntienſe in Regem conſecratur Aquisgrani*. Idem quoque Dithmarus eum ibidem, tum initio l. 4. teſtatur, eodem circiter tempore Warinum Colonienſem, cujus *firma fidei* Otto II filium commiſerat, tradiſſe Regem tenellum tutelæ Henrici Ducis Bavariz: quod indicio eſt, non ita fuiſſe morbo tum gravatum Warinum, ut Regni negotiis curandis fuerit inidoneus. Quicquid ſit, certum eſt, Warinum conſecrationem illam Regiam neutiquam improbaſſe.

Quid? quod diu etiam poſt, in ſolemnibus coronationis Regiz Aquisgraniſſibus, Vnctio fuerit, non recuſante Colonienſe, peracta a Moguntino. Palam id eſt ex hiſtoria coronationis Wilhelmi Hollandi, quæ una omnium pleniffime ceremonias tum uſitatas exhibet, auctore Iohanne Beka in *Chronico Epiſcoporum Ultrajectinor*. Cuius teſtimonio Deſenſores p. 51 docere nituntur Wilhelmum coronatum a Colonienſe. Operæ eſt pretium hoc loco recitare integrum illum Bekæ locum; quo pateat, conſecra-

secrationem neutiquam tum fuisse peractam a solo Colonienſe, ſed in ea eximias partes fuiſſe cum Moguntini, tum etiam Trevirenſis, eſſi coronatio ſit inſtituta Aquigrani. Poſtera die, (inquit Beſa) qua eſt omnium Sanctorum feſtium ſolemnitas, univerſa multitudo Prælatorum & Principum deduxit electum Regem ad Baſilicam perpetue Virginis Maria, ut ſolemne benedictionem acciperet ſecundum ritum antiquæ conſuetudinis: quem Monaſterienſis & Mindenſis Episcopos ſimul ordinarunt infra ſacrarium, ſed eundem Leodiienſis & Trajectenſis Episcopos veſtitum ornamentis Leviticis in modum Diaconi produxerunt ante Regale ſolum. Quem ex tunc Colonienſis Archiepiſcopus Cancellarius Italia collocavit in ſede Majeſtatis, ita dicens: Super thronum regni glorioſe ſedens, iudicium & juſtitiā in terra facias. Archiepiſcopus vero Moguntinenſis Cancellarius Germania cum oleo ſanctificato dextram ejus foras unxit, ita dicens: Conſecrare te dignetur omnipotens Deus in Regem Romanorum, qui David per manum Samuelis Propheta Regem inungi juſſit ſuper populum Hebræorum. Archiepiſcopus autem Trevirenſis Cancellarius Gallia manus illi ſuperimpoſuit, ita dicens: Descendat in te Spiritus ſapientie, intelligentie, ſcientie, pietatis, forſitudinis & conſilii, replearique Spiritu timoris Domini. Marchio quidem Brandenburgia Regis Camerarius annulum ei tradidit, ita dicens: Accipe ſignaculum Monarchia ut Romanum Regnum in ſuo vigore conſerves, quod ab incurſione Barbarorum invicta virtute defendas. Dux autem Saxonia Regis juſtitiarius donavit ipſi gladium, ita dicens: Accipe ſceptrum Regium, ut rebelles ſevera correptione potenter affugas, omneſque benevolos in tranquilla pace gubernes. Dux quidem Bavaria Comes Palatii ſeu Dapiſter, dedit ipſi globum aureum, ita dicens: Accipe globum ſphæricum, & omnes terra nationes Romano Regno ſubjice, ut glorioſus Auguſtus appellari valeas. Rex dehinc Boemia, Regis

*pincerna, de consensu Coloniensis Archiepiscopi, coronam argenteam capiti ejus superimpressit, ita dicens: Accipe diadema splendendum, & sis in virtuosis actibus adeo coruscus in terris, ut coronam aeterna felicitatis habere merearis in caelis. Post hac autem circumstantes Principes, adorantes Majestatem Regium, acclamaverunt ipsi salutem, laudem & gloriam. Accedentes quoque singulatim Primates ad regale solium, praestiterunt eidem debita fidelitatis homagium. Haecenus Beka. Collector Chronici magni Belgici pag. 245 omnia haec totidem verbis recitat, nulla tamen facta mentione Moguntini: sed facile apparet, vitio descriptoris nonnulla excidisse. Et vero prout in editis etiam superrimis est Bekæ codicibus, ita & in manuscriptis reperitur, quos exhibere in promptu est.*

*Ex quibus omnibus jam palam etiam est alterum: nempe non soli Coloniensi esse fas, Aquisgrani aut intra suam diocesin Reges consecrare; si rem ipsam spectes, seposita qua inolevit consuetudine.*

*At vero si nullum jus exigit, ut vel duntaxat Aquisgrani, aut intra Coloniensem diocesin, vel per solum Coloniensem etiam intra diocesinos Coloniensis limites, instituat Regia consecratio, nihil utique superest, quo vel illa dignitas Coloniensi facta tecta queat servari, præter inveteratam consuetudinem, consensu Moguntini & captam initio & exinde propagatam. Id quod Quarto loco suscipimus demonstrare.*

# V.

*Fortassis tamen etiamnum hæret aliqua dubitatio, quæ proinde Quinto loco meretur e medio tolli. Quinam videlicet factum sit, ut etiam ante productam illam falsam legem Caroli Magni, jam Ostones & alii Reges voluerint Aquisgrani potius coronari quam alibi: quare item Moguntini passi sint*

*fuit sibi eripi a Colonienſibus jus coronandi intra diaceſin Colo-  
nienſem. Non enim poſſit videri fieri potuiſſe, niſi Legis  
alicujus majoris auctoritate.*

Verum enimvero Legem nullam interveniſſe jam  
oſtendimus.

*Præ tamen contigiffe arbitror: propterea quod* **L.**  
Aquiſgranum præ aliis locis & amaverit & ornaverit Car-  
olus Magnus, ibi quoque ſit mortuus & ſepultus. Quo  
de egregia quædam notavit etiam Albertus Crantzius l. 8.  
Saxon. cap. 21. Hac ſane ratione, inter omnia Regia pala-  
tia Tranſalpina, Aquiſgranenſe omnium fuit primum jam  
Caroli ætate & nobiliſſimum. Hinc auctori poëmatis, quo  
adventus primus Leonis III Papæ in Germaniam eſt illa æ-  
tate celebratus, quodque legitur Tomo 6. Antiq. Lection.  
Canifiſi, Aquiſgranum audit *Roma nova & Roma altera.* Quo  
pertinent quæ de Laterano & Cardinalibus Aquiſgranen-  
ſibus notat Freherus ad donationem Conſtantini pag. 54.  
Hinc quoque jam tum Nithardo, Caroli Magni ex filia  
Bertha nepoti, audit initio l. 4. de diffidiis filior. Ludovici  
Pii: *Aquiſ palatium ſedes prima Francia* Wippo pag. 429. ita  
loquitur. *Collecto regali comitatu Rex Chonradus per regionem  
Ribuariorum, uſque locum, qui dicitur Aquiſgrani palatium per-  
venit, ubi publicus thronus Regalis ab antiquis Regibus & a Ca-  
rolo præcipue locatus, totius Regni archiſolium habetur.* Otto  
Friſingenſis appellat locum illum: *Archiſolium Regni Fran-  
corum.* Cum itaque Henrici Aucupis felicioribus armis  
reddita Germanico ſceptro eſſet Lotharingia cum Aquiſ-  
grano, viſum fuit convenientiſſimum Ottoni, celeberrimo  
illo loco potius quam alibi coronam Regiam confe-  
qui. Placuitque idem conſilium ſucceſſoribus; non ita ta-  
men, ut exiſtimaverint, alibi coronari eſſe neſas, ſi uſus po-  
ſſulet:

fuler: eoque etiam alibi & Henricus II & Conradus & Rudolphus Suevus sunt coronati. Donec tandem fictitiis Aquisgranensium tabulis persuasum est, ex vetere instituto ipsius Caroli, non alibi quam Aquisgrani rite quem Regem coronari.

II. *Posterius* coepit prætextu canonum, qui definierunt, uti consecrationes fiant a dioceseos presbyteris & Episcopis. Hinc enim sui esse juris consecrare Regem Aquisgrani, Colonienfes urserunt. Verum in re non satis definita cum prævaleret adhuc multum Moguntinus, mitius negotium hoc Colonienfes agitavere; at vero Henrico III. imperante plane vicerunt, idque, quantum arbitror, duabus de causis.

I. *Aliena* est, quod jam tum Colonienfis Sedes eo crevisset, ut æmulatione sua pene dubium niteretur reddere Moguntini primatum. Agnovit sane saltem ex parte hanc æmulationem etiam Guntherus in Ligurino, canens l. 1. in hunc modum, initio quidem de Moguntina urbe, inde de Colonia:

*Turribus hac eadem quondam murisque superba,  
Pene fuit toto Sedes notissima Regno;  
Donec ob infandum detestandumque furorem  
Strata, luit meritis occiso Prasule pœnas:  
Inde ruinosis deformis & horrida muris,  
Testatur justas offensis Principis iras.  
Huic, ut præcipuum celebres Germania Sedem,  
Invidet, asque locum tenet Agrippina priorem,  
Amba metropoles &c.*

In tantum igitur evecta jam Colonienfis Sedes, noluit amplius perinde, ut antehac, Moguntinæ cedere, saltem intra diocesin suam.

*Aliena* me iudice causa est, quod Henrico illo regnante cum alij Episcopi Germaniæ, tum etiam ipse Moguntinus plus



plus justo, certe plus solito, sibi arrogaverint in diocesisbus suis. Luitpoldus ipse Moguntinus dici non potest quam fuerit rigidus in tuendis suæ diœceseos illis creditis iuribus. Ut ingenium viri omnibus innotescat, recensebo miram historiam, quam habet Conradus Vrspergensis in Chronico, etsi nonnihil forte prolixiorem. Anno (inquit Conradus) Domini millesimo quinquagesimo tertio, Apostolico & Imperatore Natale dominicum divino & regio cultu VFormacia agentibus, missarum celebratione in sancta die peracta, ut oportuit, ab Apostolico; insequenti die Luitpoldum Moguntina Sedis Archiepiscopum, utpote in sua diœcesi præcipuum, huic subrogavit officio. Qui peracta processione, & ubi ad hoc ventum est dicta oratione, postquam se in sua Sede locavit, quidam ex diaconis suis, Humbertus nomine, sicut multi ob illius festi venerationem solent, lectionem decantavit. Quod quidam ex Romanis Papa assistentibus vituperantes, & contra Papam, quia Romano more non ageretur, objurgantes persuaserunt ei, ut ad eundem diaconum mitteret, & decantationem interdiceret. Quod cum ille juvenum more contemneret, iterum mittendo Papa interdixit: qui mox eadem vocis sonantate, qua prius cantavit, legendo decenter lectionem usque ad finem perduxit. Qua finita, Papa illum ad se vocavit, & quasi pro inobedientia consumacia degradavit, Archiepiscopus vero misit ad illum, ut suum sibi redderet ministrum. Quod ubi Papa abnuisit, Pontifex ut erat antiqua disciplina, licet agre, patienter tamen interim tacendo sustinuit. Perleto autem Evangelio & decantato offertorio, sancti sacrificii tempus advenit. Pontifex in Sede sua resedit, vere contestans, nec se, nec alium quemquam completurum illud officium, nisi reciperet processions sua ministrum. Quod ubi Apostolicus intellexit, Pontifici cessit, reindutumque ministrum continuo remisit. Quo recepto, debito se Præsul junxit officio. Qua in re & Pontificis auctoritas,

E

&amp;

& Apostolici consideranda est humilitas, dum & ille officii sui dignitatem defendere contendebat, & iste, licet majoris dignitatis, Metropolitano tamen in sua diœcesi cedendum perpendebat. Hactenus Urspergensis. Non contenderim pro veritate historiæ: quia Lamberto si credendum, non anno 53 sed 52, Wormatiæ natalem Domini Leo Papa cum Cæsare coluit, vivo adhuc Berthono Moguntino, cui Luitpoldus deum post Pentecosten ejus anni successit. Attramen si mores seculi illius videas, non est indigna fide illa Urspergensis narratio. Quanta cæde enim Episcopus Hildesheimensis non dubitaverit sibi primum locum intra suam diœcesin defendere anno 1063, cum horrore legas apud Lambertum Aschafneburgensem. Si vero Luitpoldus Moguntinus ne ipsi quidem Papæ voluit cedere in sua diœcesi, quid mirum est, eodem jure adversus illum esse usum Colonensem, & pristinum coronandi jus Moguntino saltem ex parte fuisse ereptum?

Quin ad hunc modum sane utrumque illud potuerit oriri, nemo dubitabit humanarum rerum gnarus. Nec enim prudens quis ignorat, quam ab ineptis opinionibus sæpe res maximæ originem cœperint.

## VI.

Cæterum hac quoque dubitatione soluta, nihil superest, nisi ut brevibus perlustremus ipsam ultimam Colonensem Defensionem, si forte illa habeat aliquid, quod nondum a nobis sit tactum: ne queamus videri non probe defuncti nostro munere asserendi jus Moguntinum.

Igitur pag. 40. occurrit quidem memoria legis a Carolo Magno latæ, de coronationibus Aquisgrani instituentis: sed illam fabulam jam supra explosimus. Utque vera sit, ni-

fit, nihil facit ad id, quod in quæstione est: num si coronatio extra etiam Aquisgranum aut diocesin Coloniensem sit instituenda, consecrandi officium sit penes Coloniensem an Moguntinum? Nec vero existimaverim, in id factam mentionem illius fabulosæ legis Carolinæ, ut probetur; etiam hodie Aquisgrani solummodo coronationes peragi debere. Fuerit enim hoc conjunctum cum injuria saltem quinque nostrorum proxime sibi succedentium Cæsarum, ut & ultimi Romanorum Regis, ne nunc moveam alia.

Pag. 41 promittunt quidem Defensores, se probaturos suam thesin cum Bullis Pontificum & rescriptis Cæsarum, tum perpetua consuetudine: revera autem nihil in omni libello minus, quam hoc præstant.

Inter bullas Pontificum *eod. pag.* primo loco laudant restem Bullam Leonis III; qua Hildebardo Colonienſi ille contulerit coronandi jus. Ast bulla illa nusquam comparet, & non nisi fabulose jactatur. Utque sit quædam talis Bulla, nihil juverit causam Coloniensem, utpote quum ipsis Defensoribus fatentibus, illa eadem bulla coronationes omnes Aquisgranensium urbi adstrinxerit, ac proinde dederit Colonienſi non nisi sua in diocesi coronandi facultatem.

Majorem speciem habent verba Innocentii III, Clementis IV, & Urbani IV, Pontificum, adducta pag. 42, 43, & 44. Jam tum vero ostendimus, illa ætate per commenta Aquisgranensia fuisse homines deceptos, ut crederent non esse fas alibi coronari Reges nostros quam Aquisgrani, & quidem a diocesano Archiepiscopo. Id certe non potest quem latere, qui tantum est peritus eorum, quæ circa coronationem Philippi & Ottonis contigerunt, quanto

sempe cum sumptu, quanta vi, Cæsares pugnaverint de conciliandis sibi Aquisgranensibus, ut in urbe ista possent coronari.

In hunc sensum itaque duntaxat, loquuntur etiam illi Pontifices. Nec est quod credamus, in hisce non potuisse falli Pontifices; cum utique non sint quæstiones fidei, sed de iuribus & institutis Regni Teutonici, in quibus errare non posse Pontifices, nemo hactenus affirmavit. Et vero licet his Pontificibus longe plures alios opponere: omnes nimirum illos, qui approbaverunt Regum coronationes, extra Aquisgranum & a Moguntino institutas: quorum numerus longe est maior numero ternario. Hi sane non admiserunt illa: *Ex antiqua Colonienfis Ecclesiæ dignitate Archiepiscopum solummodo Reges & Imperatores coronare debere; aut illa: Coronationem Regum Alemanorum ad Coloniensem Archiepiscopum pertinere.* Ut & similia alia. Sed & jam audivimus, Guithelmum Hollandum unctum esse a Moguntino: ut proinde non ita nude debuisset scribi fortassis in epistola ad Richardum Anglum, paulo post Wilhelmum electum Regem: *quod rex officio spectet inunctio, consecratio, & coronatio Regis Romanorum ad Archiepiscopum Coloniensem.*

Friderici I. Cæsaris verba, quæ adducuntur pag. 45. nihil ad rem faciunt. Nec enim aliud ille proficitur, quam *se debere Regalem unctionem Colonienfi;* quod longe est diversissimum ab eo, quod probari debuit: omnes omnino Romanorum Reges debere inungi a Colonienſe.

Similiter nihil ad rem faciunt historiæ, quæ adducuntur a pag. 45. usque ad 55. de coronatis Regibus per Colonienſes Archiepiscopos. Ut enim omnes illæ historiæ fuerint veræ, nihil tamen aliud docent, quam frequentissimè omnium coronationes Regias esse in diocesi Colonienſi ab illo

ab illo Archiepiscopo institutas. Id quod nemo negat. Probari autem debuit coronationes saltim interdum fuisse extra illam diocesin a Colnienſe peractas. In omni autem illa congerie tale aliquod exemplum ne unicum quidem comparet.

Multæ quoque fabulæ irrepſerunt inter historias illas. Ita pag. 45. Ludovicum Pium coronatum eſſe ab Hildeboldo aſſeritur quidem, ſed jam ſupra a nobis eſt convictum falſi.

Pag. eadem ſcribitur, Lotharium ab eodem Hildeboldo coronatum, idque ſine ullo testimonio, tantum ex conjectura. Quasi vero tum temporis omnis coronatio fuerit peracta ab Episcopo aliquo.

Pag. 46 quæ adferuntur de coronatione Cæſarea aliquot Cæſarum poſt Lotharium, nihil faciunt ad noſtrum argumentum. Perperam quoque aſſeritur, de coronatione Regum poſt Arnolphum uſque ad Henricum Aucupem nihil haberi certi: nos jam ſupra Ludovici & Conradi coronationes deſcripſimus.

In coronatione Ottonis II primas partes fuiſſe Archiepiscopi Coloniensis, pag. 47 perperam item colligitur, ex verbis quidem Rogerii allatis; ceu jam ſupra monuimus.

Similiter quæ adferuntur p. 47 de Warino ægrotante, & quaſi Moguntinus tantum *aſſeritis coronationi Ottonis III*, illa jam ſupra falſi convictimus.

Vt & quæ eadem pag. habentur de iterata coronatione Henrici II jam rejecimus.

Pag. 48. Sine cauſa Lamberti Aſchafneburgensis fides in ſuſpicionem trahitur, & rejicitur exemplum Rudolphi Svevi: utpote quum hujus coronationem omnes pene

Imperii Principes, imo ipse Pontifex Romanus Gregorius VII, tum probaverint.

Pag. 50 frustra jactitantur illa Guntheri verba : *Vetus juris*. Quam vetus illud jus tunc fuerit, & aulam Cæsaream fuisse deceptam, liquidum jam fecimus.

Pag. 51 non male quidem ex Beka notatur, Wilhelimum Hollandum Aquisgrani coronatum esse a Colonienfis: ostendimus vero nos, unctum illum Regem non a Colonienfis, sed Moguntino. Sed & coronam Bohemus imposuit, quamvis consensu Colonienfis.

Pag. 52, quæ adferuntur de coronata Elisabetha, Cæsaris Alberti Austriaci uxore, illa nullius esse ponderis, itidem jam supra ostendimus.

Pag. 53 recte quidem asseritur, Trevirenssem conatum fuisse dubium reddere ius Moguntinum: at hinc non sequitur, Trevirensis causam fuisse potiore. Imo necessum est Moguntinus vicerit, utpote qui *intra proximum mensem* debuerit probare ius suum: idque indubie fecerit, cum ex eo tempore a nemine Trevirensium quidquam amplius hac in re fuerit motum.

Quæ pag. 55, 56. & 57 adferuntur ad exempla pro iure Moguntino adducta, jam supra vindicavimus. Perperam quoque adfirmatur p. 57. quatuor tantum adducta esse exempla in Moguntino libello, plura enim recensentur: nos adhuc alia addidimus.

Maximum causæ suæ præsidium videntur Defensores collocare in Aurea Bulla Caroli IV. quare *paginas aliquot integras*, 58 nimirum, 59, 60, 61, 62, 63 amplius in illius urgendo patrocinio conterunt. Revera tamen tota illa Bulla nihil habet quod vel tangat leviter hoc negotium: præter pauca hæc verba tit. 4. *Colonienfis Archiepiscopo competitis dignitas*

*dignitas nec non officium Romanorum Regi primum diadema impo-*  
*nendi. Hæc vero nihil omnino juvant Coloniensem.*

*Primum enim palam est, verbis illis nihil novi scisci, r.*  
*sed tantum significari, quonam officio jam tum gaude-*  
*ret Colonienfis. Id cum fuisset monitum, Defensores*  
*illi pag. 62 non dubitarunt hoc in sinistrum sensum ac-*  
*cipere, quasi nimirum voluerint Moguntini, omnem le-*  
*gis auctoritatem instituto isti de munere coronandi, quod*  
*Colonienfi competit, derogare. Perperam vero & præ-*  
*ter mentem Scriptorum. Cæterum illis verbis Aureæ*  
*Bullæ novi nihil constitui, etiam ipsi Colonienfes utique*  
*fatentur: utpote qui juris Colonienfis originem arcessant*  
*ab exordio usque Imperij Germanici. Jam vero liquidum*  
*fecimus, omni anteaëto tempore, non aliud jus coronan-*  
*di vel competiisse Colonienfi, vel ipsos Colonienfes sibi*  
*arrogasse, quam illud quod est diœceseos limitibus defini-*  
*tum. De ulteriore igitur jure aliquo neutiquam sermo*  
*est in Aurea Bulla isthac.*

*Patet hoc ipsum, secundo, ex ipsamet Aurea Bulla; 2.*  
*quippe quæ ponit tanquam certum: solum Aquisgranum*  
*esse justum locum coronationis Regiæ. Verba hæc sunt:*  
*Invenimus etiam ex clarissimis relatis & traditionibus antiquo-*  
*rum, illo a tempore ejus contrariis jam non habetur memoria, per*  
*eos, qui nos præcesserunt feliciter, esse id observatum, ut Regis Ro-*  
*manorum, futuri Imperatoris, in civitate Franckeford celebra-*  
*retur electio, & prima coronatio Aquisgrani, & in oppido Nuran-*  
*berg prima sua Regalis curia haberetur. Quapropter certis ex*  
*causis, etiam futuris præmissa servari debere temporibus, decla-*  
*ramus; nisi præmissis omnibus, seu eorum alicuius impedimentum le-*  
*gitimum obviarit. Hæc verba utique indicant, terminem*  
*Cæsari in omni hac Aurea bulla, quod coronationem qui-*  
*dæm*

dem attinet, esse tantum de eo, quod ordinarie fieri tum solitum, aut fieri inposterum debeat. Ac proinde & illa verba superius adducta ex Tit. 4. non aliter accipi debere: quam ordinarie, & si quando Aquisgrani instituitur coronatio, officium diadema imponendi competere Colonienfi.

3. *Tertio* hanc veram esse mentem illorum verborum, confirmat quam maxime ipsorum Colonienfium in eam verus & perpetua consensio. Nec enim post Auream Bullam latam quisquam eorum vel tentavit extra diocesin instituire coronationem: cum tamen interdum id minus esset commodum. Adhuc a Ruperto Palatino Cæsare curaverunt quidem singulari privilegio sibi indulgeri, coronationem interdum instituire extra Aquisgranum, diserta tamen addita clausula: *intra suam diocesin*. Illud ipsum privilegium quoque Carolo V proposuerunt. Nec posthac unquam Moguntino extra diocesin Coloniensem coronanti, vel facultatem coronandi delegaverunt, vel super injuria sibi facta intentaverunt litem. Quæ jam supra ursumus.

4. *Quarto* etiam hoc observandum unice venit: verbis illis Auræ Bullæ jus aliquod *consecrandi* Regem neutiquam tribui Colonienfi, sed solummodo jus *primam coronam imponendi*. Hoc unum sane diserte ibi memoratur. Atqui coronæ impositio non est aliquod munus sacerdotale: eoque olim a Laicis, imo ipsismet Principibus facta est, prout jam tum monuimus. Sola sc. unctio & benedictio aliquid sacri muneris habet. Igitur utut etiam verba illa Bullæ sint intelligenda de aliquo jure, quod per omnem Germaniam competat Colonienfi, hinc tamen minime sequitur, consecrandi jus ad unum illum pertinere. Et vero jam tum clarissimum fecimus, non nisi ex privilegio omne illud jus, etiam intra suam diocesin, convenire Colonienfi, aliquin  
uni



uni Moguntino debitum : privilegia autem stricti iuris esse, nec prodiga aliqua interpretatione amplianda, apud omnes in confesso est.

Hiscæ probe expensis, non est quod in animadvertendis iis, quæ Defensores disputant de mente Bullæ aureæ, ad pag. usque 64. immoremur.

Illa vero quæ pag. 46. adferuntur exempla coronationum, post Auream bullam promulgatam institutarum, potius causam Moguntinam juvant, quam Coloniensem; certe nihil illi efficiunt. Omnes enim illæ a Colonienſe quidem sunt institutæ, at non nisi intra diœcesin : idque quoniam ne ausus quidem ille fuerit eas alibi aggredi.

Eadem pag. non potuerunt tamen negare Defensores, ordine quinque Regias consecrationes (accessit vero jam & sexta in complementum felix secundi ternarii) a Moguntino, non autem a Colonienſe peractas esse.

Excusare nihilominus id conantur paginis sequentibus eo maxime, quod Colonienſes Principes temporibus coronationum non fuerint insulati, atque adeo inidonei sacro muneri peragendo : eo etiam, quod nihilominus illi Principes caverint suo iuri per protestationes & acceptas, quas vocant assecurationes.

Verum enimvero etsi fortassis Principes illi crediderint, Moguntinum non potuisse rite fungi consecrandi munere, nisi obstitisset illa sua inhabilitas, non tamen hoc ipsum præjudicat causæ Moguntinæ. Nec enim alienus de rebus tuis error tuis iuribus quidquam derogat, ut nec quidquam addit. Probavimus vero jam tum nos, etiamsi fuissent insulati Colonienſes illi Principes, non potuisse tamen ab iis institui sex illas coronationes Re-

gias; utpote quæ fuerint peractæ extra Colonienſem diœceſin. Fuit certe hæc Moguntinorum Præſulum perpetua ſententia; eoque uſi ſunt ſuo proprio jure, nullo autem verbulo petierunt a Colonienſibus ſibi illud ad tempus indulgeri. Imò ne ipſi Colonienſes quidem aliquo vel leviffimo aëtuo Moguntinis coronandi facultatem commiſerunt, aut a ſeſe eſſe commiſſam ſignificavere. Quod fieri debuiffet, ſi non proprio, ſed alieno munere Moguntini fuiſſent functi. Imò per eſt verofiſſime, ſaltim coronationem Maximiliani II (ad cujus exemplum ſequentes ſunt inſtitutæ) ideo eſſe extra Colonienſem diœceſin peractam, ne Colonienſi diœceſano juri quidquam decederet.

Quod Colonienſes petierint ſibi caveri, ne ſuo coronandi juri aëtibus illis Moguntinis quidquam præjudicaretur; quòdque interdum id ipſis fuerit indultum; illi rei ut refragarentur multum Moguntini, nihil fuit cauſæ. Nec enim illis animus unquam fuit, juri Colonienſi ſuis illis coronationibus quidquam derogandi: ut nec derogaverunt. Imò derogare non potuerunt. Omnes enim illæ coronationes ſunt inſtitutæ extra diœceſin Colonienſem, cujus finibus jus Colonienſe circumſcribitur: ac proinde Colonienſe jus verum & priſcum haud læſerunt.

Obſervatu porro dignum eſt, ex iis quidem, quæ adſeruntur pag. 66, non liquere, quod anno 1562 Colonienſis crediderit, ſibi per Moguntinam coronationem quidquam derogatum. Etenim verba illa poſſunt intelligi eo ſenſu: quod cautum ſibi voluerit, ne iſthoc coronationis aëtuo forte exiſtmetur omne jus coronandi in Moguntinum eſſe derivatum. Id ſane ex eo colligas merito, quod quo

tem-

tempore Rudolphus II fuit coronatus, Colonienſis ne quidem tali modo ſibi caverit, ſed tanquam a re non neceſſaria & inutili abſtinuerit. Cautionem certe nullam eſſe interpoſitam, palam eſt ex ipſa Colonienſium Deſenſorum narratione, quæ pag. 66 continetur. Imo nec in Matthiæ coronatione, dixeris a Colonienſe Ferdinando cautionem aliquam interpoſitam, cum nec illam Deſenſores attulerint in medium: ſatis induſtrii alias cauſæ ſuæ patroni. Ne quidem ex verbis Ferdinandi II Cæſaris, quæ adducuntur pag. 67. certo colligas, Cæſari tum fuiſſe perſuaſum, id quod hodie a Colonienſibus prætenditur: ſed tantum, ordinariè quidem Colonienſi competere jus coronandi, perinde ut ordinariè coronatio debet fieri Aquisgrani. Id quod nemo negat. Certe alium ſenſum eſſe Reverſalium literarum anno 1637 Colonienſi a Cæſare exhibitarum, nullo firmo argumento probare eſt.

Quod pag. 68 Deſenſores voluerunt eſſe cauſæ argumentum *ultimum, & inſtar omnium*, illud ſane per eſt leve, atque adeo indicat, etiam reliqua omnia ſimili eſſe levitate. Fuerit enim tale, ſi in formam ſyllogiſticam cogas:

*Si nullus actus coronationis inſtitutus eſt a Moguntino, quo tempore Colonienſis vel fuit præſens vel inſulatus, ex adverſo autem contingit, extra diœceſin Colonienſem aliquando coronationem inſtitui præſente Moguntino, ergo coronandi jus ſimpliciter competit Colonienſi. At verum eſt prius E. eſt poſterius.*

Hujus sane argumenti & Major & Minor propositio vehementer laborant. Nec enim in Majore ulla est vis consequentiae; ut patebit, si Syllogismus in Cathegoricum commutetur. Et vero satis est probando juri Moguntino, si coronationis actus a Moguntino instituti fuerint rati. Præsens an absens fuerit Coloniensis, nihil ad rem facit. Posse certe illum per accidens tantum aut adesse aut abesse, negari non potest. Ad hoc certum est, si forte Moguntini delegatione Coloniensis actum coronandi aliquem exercuerit, eo utique nihil accessisse juris Coloniensi. Certe si Majorem illam propositionem velis in cathegoricam mutare, quatuor aut quinque terminis Syllogismus constabit.

Minor quoque falsissima est. De Ottone enim saltim I, ut & de Conrado II, deque Wilhelmo constat, & extra controversiam est, (nec enim alios nunc tangam) consecratos illos esse a Moguntino, præsentibus infulatis Coloniensibus. Nec coronata est Elizabetha Austriaca (quod unum jactant, etsi una hirundo ver non faciat, ut est in proverbio) extra diœcesin Coloniensem, proprio Coloniensis jure, quod falso supponitur; sed tantum ex commissione & singulari consensu Moguntini.

Proponemus ex adverso nos argumentum longe validius & certius.

*Si nullum omnino coronationis actum Colonienses exercuerunt extra diœcesin, ab initio usque Imperii Germanici, etsi id ut facerent sæpe res prope flagitavit, ergo nec jus illis hæcenus fuit coronandi extra diœcesin.*

*At*

*At verum est prius: ut supra probavimus.*

*Ergo & posterius,*

Addemus & alterum:

*Si Moguntinus sapius coronavit Reges, & quidem omnes consecrationes, quæ extra diœcesin Coloniensem fuerunt instituta, peregit, probantibus omnibus Ordinibus Imperii, imo ipsis Pontificibus Romanis, competit Moguntino ius coronandi saltem extra diœcesin Coloniensem.*

*At verum prius est: quod probavimus.*

*Ergo & posterius.*

Pag. 69. perperam Moguntinæ causæ patroni tanguntur, quasi illi ius coronandi ad jura diœceseos restrinxerint. Nec enim hoc illis venit in mentem. Tantum hoc voluerunt; Coloniense omne ius niti prætextu juris diœcesani. Quod revera est nihili, nisi accessisset longi temporis præscriptio quædam.

Reliqua non indigent aliquo responso. Nam & illud nullius est momenti: quod nimirum Buxtorfius, Rummelinus, Ostermannus, & alii nonnulli, Coloniensis causæ adstipulati sint. Nec enim errores scriptorum detrahunt quidquam solidis Principum juribus. Et quid est notius, quam ab illis, cætera præclaris viris, complura esse commissa ob ignorantiam rerum veterum, aliorumque Imperii actuum?

QUUM itaque in Defensione etiam novissima Colo-

nienſi nihil occurrat , quo Moguntinum juſ ſaltim impro-  
babile poſſit merito reddi, illud vero firmis argumentis jam  
ſit ante aſtruſtum, non eſt quod huic loco amplius immo-  
remur.

Deum veneror; ut, cuius jure ſuo reddito, pax &  
tranquillitas publica Imperii ſalva  
ſemper maneat flore-  
atque.

F I N I S.



## HERMAN. CONRINGIVS

BENEVOLO LECTORI

S. P. D.



*Q*uam mota inter Eminentissimos Principes Electores, Moguntinum & Coloniensem, de Coronandi iure controversia, rogatus sententiam, libere illam anno seculi huius quinquagesimo quinto prompsissem, nihil minus cogitabam, quam fore ut mihi hinc nasceretur aliqua diversa partis offensa. Nec enim nomen meum addideram, & sic temperaveram calamum, ut nullam iure succensionem possem mereri. Cum placuisset tamen Moguntinis non vulgare duntaxat typis Francofurti libellum meum, sed illi etiam nomen meum prafigere, minus emendate autem omnia prodiissent in lucem, coactus fui nomine haud dissimulato alteram hic curare editionem auctiorem nonnihil emendatioremque: non ignarus licet qua mihi iam tempestas immineret. Qua hinc inde acta ex eo fuerint, tades memorare. Quoniam vero inter Eminentissimos illos Principes non multo post omnia componerentur, equidem gratulatus sum Germaniæ nostræ: utpote cuius salus, hodie quidem, sita unice est in Magnorum Principum concordia; tota republi-

blica cateroquin vehementer debili. Quum autem exempla libelli mei utriusque editionis dudum fuerint distracta, & tamen compositis quamlibet omnibus, illa etiamnum passim sed frustra a me pariter & bibliopolis petantur, non abs re futurum iudicavi si & tertia vice in lucem prodeat. Ut refodere velim compositam litern, absit; (nec enim pace ac tranquillitate publica quidquam est mihi magis carum) cum tamen nihil dubitem ex vero omnia abs me esse disputata, non possum non simul existimare, ad laudem perpetuam optimorum Principum pertinere, quod iure suo cum vero, tum credito, cedere nonnihil maluerint quam suis dissidiis commodo publico nocere. Quares memoratu utique dignissima est, & qua in exemplum illustre, imo in regulam quasi, exstet omnibus imposterum imitandum. Quandoquidem vero paucis haecenus innotuerit, quibus legibus negotium illud arduum hodie stet definitumque sit, visum est adiungere meo opusculo ipsas pacti tabulas. Deum autem obsecro, ut civili omni etiam aliorum Principum discordia sopita, Imperii Germanici respublica ita vigeat, ita floreat, quo etiam adversus externa mala, cum primis immanem illam Turcicam vim, firma valeat persistere & secunda. Helmestadii in Acad. Iulia x x i i Ianuarii Anno dñi m d c l x i v.

Denmach





Ennach zwischen denen Hochwürdig-  
sten auch Durchleuchtigsten Fürsten  
und Herrn/ Herrn Johan Philippen  
Erzbischoffen zu Meins/ des heiligen  
Römischen Reichs durch Germanien  
Erzkanzlern und Churfürsten/ Bischoffen zu Würzburg  
und Herzogen zu Francken/ So dann Herrn Maximilian  
Henrichen Erzbischoffen zu Cöln/ des heiligen Römischen  
Reichs durch Italien Erzkanzlern und Churfürsten/ Bischoffen zu  
Hildesheim und Lüttich/ Administratoren zu Bergdeßgaden/ in Ob- und NiederBäyern/  
auch der Obern Pfalz/ in Westphalen/ zu Engern und  
Bullion Herzogen/ Pfalzgrafen bey Rhein/ Landgrafen  
zu Leuchtenberg/ Marggrafen zu Franchimont/ &c.  
Zeithero sich umb deswillen Irzung und Streit erhalten/  
daß Ihre Churfürstl. Durchl. zu Cöln die Krönung ei-  
nes erwählten Römischen Königes Ihro und derer Nach-  
kommen am Erbstift Cöln allein/ und zwar nicht nur zu  
Achen und in dero Cöllnischen Erzbischofflichen Pro-  
vinz/ sondern auch durchgehends im ganzen heiligen  
Reich Teutscher nation, ohne unterschied/ krafft zu sol-  
chem end angezogener gülden Bull Kayser Carls des  
Vierten/ zueignen; hingegen aber Ihre Churfürstl. Gn. zu  
Mainz/ der gülden Bull nach/ die Stadt Achen zwar  
Ihrer Churfürstl. Durchl. und dem Erbstift Cöln ge-  
stehen/ Ihro doch und dero Nachkommen am Erbstift

Mainz alle übrige Ort des heiligen Reichs Teutscher nation, alle Krafft vor Sich angezogenen alten herkommens und posses attribuiren wollen. Als haben beyderseits höchstgedachte Ihre Churfürstl. Gn. und Durchl. zu Mainz und Cölln für Sich und Ihre Nachkommen an dero Erbstiftern / zuvorderst Gott zu Ehren / dem Vaterland und dero Erbstiftern Land und Leuten zum besten / nach reiffen der Sachen vorbedacht / sich in der Güte einmütig und freundbrüderlich verglichen / wie folget.

I. Wollen Ihre Churfürstl. Gn. zu Mainz und dero Nachkommen am Erbstift Mainz / zu fortpflanzung beständigen wohlvernehmens / guter correspondenz und Freundschaft / wann die Quæstio. Ob die Krönung an einem andern / als in der gülden Bull bestimmten Ort verrichtet werden solle? Vorkommt / Sich nicht allein mit Ihro Churfürstl. Durchl. zu Cölln und dero Nachkommen am Erbstift Cölln / einstimmig erklären / sondern auch dahin bemühen und vermitteln helfen / damit die besagte Quæstio im Churfürstl. Collegio bey überlegung der Capitulation und vor der Wahl jedesmal vorgenommen und erörtert / und die Krönung zu Nachen werckstellig gemacht werden / nisi impedimentum legitimum obviaverit, wie die güldene Bull selbst redet tit. 25. vel 28. §. Invenimus etiam.

II. Das beyden Ihren Churf. Gn. und Durchl. zu Mainz und Cölln / die Würde und das Ampt zu Krönen in ihren Erzbisthumben undisputirlich / und zwar jedem

jedem in seinem Erzbisthumb/und Seiner propria diocesi, allezeit allein und privative zukommen solle.

III. Ob aber aufferhalb dieser beeden obgedachten Erzbisthumben Mainz und Cölln/die Krönung in einigen dern vnderhabenden suffraganeaten, oder in andern auffer der Erzbischöflichen Mainz- und Cöllnischen Provinzien gelegenen Ertz- und Bisthumben geschehen würde/alsdann solle dieselbe alternative von beyden Herrn Churfürsten Maintz und Cölln verrichtet / und also auffer Aachen / und denen von beyden Herrn Churfürsten Sich vorbehaltenen ihren eigenen diocesen und Ertzbisthumben / im gantzen heiligen Reich zwischen ihnen der Krönung halber eine durchgehende gleichheit ins künfftig gehalten werden.

IV. Dafern die Krönung auffer denen Maintz- und Cöllnischen Ertzbisthumben / es sey inner- oder aufferhalb beyderseits provincien, vorgenommen werden sollte / alsdann sollen bey obbemelter alternation Ihre Churf. Durchl. zu Cölln den Anfang machen / worzu Ihre Churfürstl. Gn. zu Maintz / zu mehrer bezeugung Ihrer trewen freundbrüderlichen affection, nicht allein Sich freywillig erkläret / sondern dabenebend auch des anbietens seind / bey nächster Wahl und deren Capitulation dahin bestmöglichst zu cooperiren, damit diese jetzt bevorstehende Krönung in der Stadt Cölln (weila etwan wegen des kurghiebevorn zu Aachen vorgangenen Brandschadens der accommodation halber daselbst  
sien

sten es unbequem fallen dörfte / ) verrichtet werde möge.

V. Solle dieser Vergleich nicht allein von beyde Herren Churfürsten unterschrieben / sondern auch von beyden Domcapitulen zu Mainz vnd Cölln mitbewilliget / und zu ewigen tagen hierauff einmütiglich / vest / vnverbrüchlich gehalten / auch andere explicationes, extensiones, oder limitirungen darin keinesweges zugelassen / viel weniger daß geringste sonst dargegen attestirt werden. Dessen allen zu Brkund haben beyde Höchstgedachte Ihre Churf. Gn. und Durchl. Mainz und Cölln für Sich und beyderseits Nachkommen oder Ertzstiftern / Fünff dieser verglichenen Reces unterschrieben und versiegelt / Welche auch beyde Hochwürdi. Dom Capitul zu Mainz und Cölln mit bewilliget / und zugleich vollenzogen haben / darob ein Origin. Ihrer Churfürstl. Gn. zu Mainz / eines Ihrer Churf. Durchl. zu Cölln / zu dero Archiven, auch in dem Domcapitul eines / und dann eines zur Reichs Ranzley aufgeantwortet / und verwahrlich auffbehalten werden sollen. Geschehen den 16. Junij des 1657. Jahrs.

Johann Philip. Maximilian Heinrich.

L. S.  
Elect. Mog.

L. S.  
El. Col.

L. S.  
Cap. Mog.

L. S.  
Cap. Col.

